

Adroddiad i'r	Cabinet
Dyddiad y cyfarfod	21 Chwefror 2023
Swyddog / Aelod Arweiniol	Y Cyng. Jason McLellan, Arweinydd ac Aelod Arweiniol Twf Economaidd a Mynd i'r Afael ag Amddifadedd / Liz Grieve, Pennaeth Cwsmeriaid, Cyfathrebu a Marchnata
Awdur yr adroddiad	Nicola Kneale, Pennaeth Dros Dro Moderneiddio a Gwella Busnes
Teitl	Comisiynu sefydliadau i gyflwyno rhaglen dan y Gronfa Ffyniant Gyffredin

1. Am beth mae'r adroddiad yn sôn?

- 1.1. Y cynnig i gomisiynu dau sefydliad i gyflawni rhaglen waith (gan gynnwys cyfundrefn grantiau neu 'Gronfa Allweddol') dan rai ymyriadau'r Gronfa Ffyniant Gyffredin.

2. Beth yw'r rheswm dros lunio'r adroddiad hwn?

Egluro'r rhesymau dros gomisiynu Cyngor Gwasanaethau Gwirfoddol Sir Ddinbych a Chadwyn Clwyd i gynnal rhaglen waith ar gyfer y themâu canlynol, fel y cafodd ei argymhell gan Grŵp Partneriaeth Cronfa Ffyniant Gyffredin Sir Ddinbych.

- Iachach, Hapusach a Gofalus: Cynyddu Gallu Cymunedol
- Ffyniannus: Cymorth i Fusnesau Ledled y Sir

3. Beth yw'r Argymhelliad?

- 3.1. Bod y Cabinet yn cytuno i gomisiynu Cadwyn Clwyd a Chyngor Gwasanaethau Gwirfoddol Sir Ddinbych i gynnal rhaglen waith sy'n cyfuno darpariaeth uniongyrchol a chronfa allweddol ar gyfer themâu (a fydd ar agor ar gyfer

ceisiadau gan gymunedau yn Sir Ddinbych, boed yn rhai preswyl neu fasnachol), a ddisgrifir yn Atodiad A ac Atodiad B, yn y drefn honno.

4. Manylion yr adroddiad

- 4.1. Cytunwyd bod yn rhaid i geisiadau ar gyfer Cronfa Ffyniant Gyffredin y DU fod â gwerth prosiect o £250,000 o leiaf. Er mwyn galluogi cefnogi prosiectau â gwerth is, rydym ni'n dymuno sefydlu cyfundrefnau grantiau (Cronfeydd Allweddol) a fydd ar gael i gymunedau a busnesau.
- 4.2. Bydd prosiectau sy'n cael eu cyflawni drwy ddull Cronfeydd Allweddol yn cyfrannu at allbynnau a chanlyniadau'r ymyriadau unigol a chyfrifoldeb corff cyflawni'r Gronfa Allweddol fydd sicrhau bod gweithdrefnau cadarn ar waith ar gyfer cyflenwyr trydydd parti i gasglu'r dystiolaeth ofynnol yn gysylltiedig â diwydrwydd dyladwy, hawliadau, adrodd ar allbynnau a chanlyniadau.
- 4.3. Bydd angen rhywfaint o amser paratoi ar ddarparwyr Cronfeydd Allweddol trydydd parti er mwyn bod yn barod i gynnal y cynllun grant. O ganlyniad i ddyddiad cau'r gwariant ym mis Rhagfyr 2024, mae Cyngor Sir Ddinbych yn dymuno cefnogi hwylustod y gwaith paratoi hwn. Pe na bai'r cais hwn yn cael ei gymeradwyo, mae'n debygol mai mis Ebrill 2023 fydd y pwynt penderfynu allweddol nesaf i'r Cabinet, a fyddai'n gohirio paratoadau o ran grantiau rhag cael eu gwneud am ddau fis a byrhau'r cyfnod cyflawni sydd ar gael i gymunedau ymhellach. Am y rheswm hwnnw, mae'n cynnig comisiynu'r gwaith hwn dan themâu sy'n ystyried:
 - i. Y bydd diddordeb gan gymunedau preswyl a busnes mewn cyflawni prosiectau â gwerth llai na £250,000;
 - ii. Ychydig iawn o sefydliadau sydd â'r arbenigedd pwnc/technegol penodol i gyflwyno Cronfeydd Allweddol o'r fath dan y themâu a nodwyd.
- 4.4. Am y rhesymau sydd wedi'u hamlinellu uchod, cynigir bod comisiynu yn digwydd dan themâu Cynyddu Gallu Cymunedol a Chymorth i Fusnesau, a bod Cadwyn Clwyd a Chyngor Gwasanaethau Gwirfoddol Sir Ddinbych (yn y drefn honno) yn cael eu comisiynu'n uniongyrchol i gyflwyno pecyn cymorth a fydd ar gael i'n cymunedau.

4.5. Dan Reolau'r Weithdrefn Gontractau gellir gweithredu dan yr Eithriadau canlynol:

- i. mewn cysylltiad â chyllid grant â therfyn amser gan gorff allanol, pan na fydd y cyfyngiadau amser yn caniatáu i broses gaffael gystadleuol gael ei chwblhau a phan fo amodau'r grant yn caniatáu hyn;
- ii. pan fyddai oedi sydd wedi arwain at y broses dyfynbris neu dendro, yn nhyb y Pennaeth Gwasanaeth dan sylw, yn golygu bod y Cyngor yn cyflawni gwariant net neu'n fforffedu incwm net sy'n fwy na'r arbedion ar swm y contract y gellid disgwyl yn rhesymol iddo gronni yn sgil proses dendro gystadleuol.

4.6. Dylid nodi bod gwerth y contractau hefyd yn cynnwys swyddogaethau cyflenwol i sicrhau bod y Gronfa Allweddol yn cael yr effaith fwyaf posibl. Er enghraifft, Rhaglen Arweinyddiaeth Gymunedol i feithrin hyder a sgiliau yn y gymuned. Mae'r rhaglen gyfan yn amodol ar yr Eithriadau uchod.

5. Sut mae'r penderfyniad yn cyfrannu at y Blaenoriaethau Corfforaethol?

5.1. Mae'r Cynllun Buddsoddi ar gyfer y Gronfa Ffyniant Gyffredin wedi'i ddatblygu yng nghyd-destun themâu ein cynllun corfforaethol fel y disgrifir yn adran 2 yr adroddiad hwn.

6. Faint fydd hyn yn ei gostio a sut fydd yn effeithio ar wasanaethau eraill?

6.1 O ran y cyllid sydd ar gael, mae £2 filiwn ar gael dan y thema Cymorth i Fusnesau, ac £1.9 miliwn dan y thema Cynyddu Gallu Cymunedol. Mae'r cyllid yn cael ei ddarparu gan Lywodraeth y DU dan y rhaglen Ffyniant Bro, felly nid oes unrhyw gostau uniongyrchol i Sir Ddinbych.

7. Beth yw prif gasgliadau'r Asesiad o'r Effaith ar Les?

7.1 Mae'r adroddiad hwn yn ymwneud â dyfarnu cyllid dan Gynllun Buddsoddi Cronfa Ffyniant Gyffredin Cyngor Sir Ddinbych. Roedd y Cynllun Buddsoddi hwn yn destun asesiad o'r effaith ar les, a chaiff arian ei ddyfarnu os yw prosiectau'n cydymffurfio ag

amcanion strategol y cynllun buddsoddi hwnnw yn unig, sy'n golygu nad oes angen Asesiad o'r Effaith ar Les.

8. Pa ymgynghoriadau a gynhaliwyd gyda Chraffu ac eraill?

- 8.1. Mae'r dull hwn wedi'i drafod yn rhanbarthol ac mae awdurdodau cyfagos yn defnyddio dull tebyg pan fyddan nhw'n ystyried bod hynny'n addas.
- 8.2. Mae hyn wedi'i drafod â Thîm Cyfreithiol Sir Ddinbych ac maen nhw wedi cytuno ar y dull hwn yn amodol ar gymeradwyo adroddiad Eithriadau.
- 8.3. Mae'r cynnig hwn wedi'i rannu'n electronig â Grŵp Partneriaeth Cronfa Ffyniant Gyffredin Sir Ddinbych a gofynnwyd iddyn nhw roi adborth. Yna trafodwyd y cynnig ac unrhyw adborth a gafwyd yng nghyfarfod Grŵp Partneriaeth Craidd Cronfa Ffyniant Gyffredin Sir Ddinbych ar 25 Ionawr. Yr argymhellion hyn yw'r rhai y cytunwyd arnyn nhw gan y Grŵp Partneriaeth Craidd.
- 8.4. Trafodwyd yr argymhellion yng Nghyfarfod Briffio'r Cabinet, lle achubwyd ar y cyfle hefyd i ofyn am sicrwydd y byddai Cadwyn Clwyd a Chyngor Gwasanaethau Gwirfoddol Sir Ddinbych yn sicrhau darpariaeth ddaearyddol briodol a theg.

9. Datganiad y Prif Swyddog Cyllid

- 9.1 Mae'r adroddiad hwn yn ymwneud â'r rhesymau dros gomisiynu dau sefydliad yn gyrrff cyflenwi Cronfeydd Allweddol i gyflwyno rhaglen o ymyriadau'r Gronfa Ffyniant Gyffredin. Fel y nodwyd yn 4.1 bydd dull y Cronfeydd Allweddol yn galluogi cymunedau a busnesau i gael cymorth gan y Gronfa Ffyniant Gyffredin ar gyfer prosiectau ar raddfa lai. Fel y nodwyd yn 6.1. nid oes unrhyw gost uniongyrchol i'r Cyngor. Mae'r dull yn cael ei gefnogi.

10. Beth yw'r peryglon ac a oes unrhyw beth y gallwn ni ei wneud i'w lleihau?

- 10.1. Mae posibilrwydd o her gan sefydliadau eraill a allai fod wedi bod â diddordeb mewn gwneud cais i gyflawni yn erbyn y themâu hyn. Mae'r Eithriadau sydd wedi'u hamlinellu yn 4.5 yn cyfiawnhau'r dull y cafodd ei ddefnyddio.

11. Pŵer i wneud y penderfyniad

- 11.1. Mae swyddogaethau datblygu economaidd y Cyngor yn gyfrifoldeb ar y Cabinet yn unol â chyfansoddiad y Cyngor a Rheoliadau Awdurdodau Lleol (Trefniadau Gweithrediaeth) (Swyddogaethau a Chyfrifoldebau) (Cymru) [2007](#).
- 11.2. Pŵer Cymhwysedd Cyffredinol dan a.24 Deddf Llywodraeth Leol ac Etholiadau (Cymru) 2021